

Gvangjsih Minzcuz Bau

ganhhau: CN45-0036 B.2014 Nd.2 Ng.26 liggaeuq gyapngux nienz ndwencieng ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3112期

Dava: Aeu Lai Cungj Hingzsik Guh Ndei Hong Henhoh Vah Saujsu Minzcuz

大化:多种形式做好少数民族语言保护工作

Bi' gvaq, Dava Yauzcuz Swciyen nyinhcaen saedhengz guekgya minz-veij 《Gvendaengz Guh Ndei Hong Guenleix Vah Saw Saujsu Minzcuz》vwnzgen cingsaenz, aeu lai cungj hingzsik, cizgiz guh ndei hong swnjcienz nem henhoh Vahcuengh, Vahyauz daengj vah saujsu minzcuz.

It dwg banh Cuengh Gun song vah saw sonhag sawqniemh yozyau. Ngeih dwg senj yezvu guzgan camgya

daengx gih saujsu minzcuz yijyen diucaz beizyin, cunsaed ciennieb vunzaiz duivuj. Sam dwg bued cienzngaenz cienhangh 1.6 fanh maenz, gyoebbaenz diucazuj, daengz Duhyangz, Yenzdanh, Luzyej, Yajlungz, Gungconh, Gunghoz daengj yanghcin haeuj mbanj haeuj ranz diucaz sawloih Vahcuengh, sawjyung cingzgvang, faenbough daegdiemj daengj, caezcienz swhliu goekdaej. Seiq

dwg coi yienh minzcuzgiz gyarengz genjcaz gij cingzgvang gwnz senh-conz byauhyij, fukvang, baizdanhvei yungu Cuengh, Gun song saw, bauj saw saujsu minzcuz yungu ndaej cinj, cingqging, gveihfan. Haj dwg cizgiz leihyungu vwnzva gvangicangz guh eu fwen Bouxcuengh, Yauzcuz doxdax, youq guh' angq ndawde hix ndaej swnjcienz vah saujsu minzcuz.

(Vangz Vwnzboh)

SIUSIK DINJ

简讯

● 2 yied 18 hauh, “gamjsouh Aumwnz—Gvangjsih · Nanzningz” Aumwnz lijyouz doigvangq hozdung youq Nanzningz Yezvei Gvangj-cangz heijguh. Baez hozdung neix youz Aumwnz Dwzbez Hingzcvng Gih Cwngfuj caeuq Swcigih Yinzminz Cwngfu lienzhab cawj-banh, gungh guh 6 ngoenz.

(Yi Sienghceenz)

● Vih hawj gyoengqvunz lajmbanj angq gvaq cieng moq, youq seiz gvaq cieng, Bingzgoj Yen Daibingz Cin Daibingz Cunh Mbanjneigvah(mbanj Bouxcuengh) gag comz 5 fanh maenz, banh lanzgiuz, fwenleux doxdax, hawj cieng gvaq ndaej nauhyied. Yienghneix guh le, vunz ndaw mbanj rog mbanj cungj haenhndei.

(Vuz Anhginh)

● Ndwencieng gaxgonq, Nanz-danh Yen haigoeng guh diuz roen Lozfu daengz Lozgvng de, neix couhdwg heijguh bineix lajmbanj gyauhdung gihcuj sezsih gensez. Bineix, aen yienh neix guj roengzngaenz 1.6 ik maenz, yaek guhbaenz 15 diuz goengloh.

(Veiz Canghyoz)

● Cieng moq geizgan, Dasingh Yen gyoepsuenq ciep hekyouz 9.478 fanh vunzbaez, doengzbeij demlai 66.19%, lijyouz cungj-souhaeuj 3764.46 fanh maenz, doengzbeij demlai 63.75%. Ndawde Dwzdenh Bubu ciep 4.735 fanh vunzbaez; Mingzsw Denzyenz ciep 0.96 fanh vunzbaez; Lungz-gungu Senhgeng ciep 0.59 fanh vunzbaez; Wnhcwnz ciep 2.985 fanh vunzbaez.

(Liuz Cinghveiz)

● 2 nyied 18 hauh banhaet, Cungzcoj Si hai Vehbyaraiz vwnzva gingigvanh sinhyiz gunghcoz duih-cinvei, baez hoih neix dingh le ceng daengz 2016 nienz Vehbyaraiz vwnzva gingigvanh sinhyiz baez ndeu aeu ndaej.

(Lungz Yenyinh)

Yungzsuij: Doenghboux Vunzmbanj Bwzyauz Okrengz Guh Lijyouz



融水: 白瑶村民 积极助力发展旅游

2 nyied 21 hauh, Yungzsuij Myauzcuz Swciyen Yanghfwj Yangh youq Ginhlanz Cunh guh lijyouz fuzvu lijyiz beizyin, yaeng senhconz dajsuenq nem ingjuh bauqveh, aen cunh neix Mbanjdenz dangz miz 10 lai boux beixnuengx Yauzcuz camgya gingq caz, gingq laeuj, yienghsoengz daengj lijyiz beizyin nem ingjuh. Ciuq cam rox, aen mbanj neix dwg ndaw yienh aen mbanj Yauzcuz miz minzcuz daegsack, gungh miz 30 hoh 126 vunz, cienzbouh dwg vunz Bwzyauz. Vih gyavaiq fazcanj lijyouz, aen yienh neix gyarengz roengzngaenz nem beizyin. Ndaw doz dwg geij boux mehmbwk Bwzyauz ndaw mbanj neix cingq ingj baenzlawz daemj“va Yauzcuz”.

(Liu Cwjyenh ingi)

Lingzyinz: Youzcazbya Gai Ndaej Lai

凌云: 山茶油俏销海内外

Lingzyinz Yen Ginhsanh Youzcaz Gohgi Youjhan Gunghsw dwg aen minzyingz giyez comz guh gohyenz, dajndaem, swngchcanj gyagoeng, gai youzcazbya, aen gunghsw neix mboujduenh haenq-rengz yenzgiu nem damqra baenzlawz senj ung binjcungj, youq gihdi dajndaem, haeujlaeg bae gyagoeng haifat youzcaz, ra hawciengz daengj. Seizneix miz sam diuz swngchcanjen, faenbied dwg diuz swngchcanjen dok youz moix bi dok youz 2500 dun de, diuz swngchcanjen lienh youz ndei

moix bi lienh baenz 2300 dun youzcazbya ndei de, diuz swngchcanjen cangsen cang guenq moix bi cang guenq youzcaz 1.2 fanh dun de, bi gai ndaej 6000 fanh maenz. Gij canjbinj daeuz aen gunghsw neix dwg Youzcazbya Gveiginhsanh, gai bae Yizbwnj, Sinhgyahboh, Feihlizbinh daengj guek rog nem ndaw guek Sanghaij, Bwzgingh, Cezgyangh, Daizvanh daengj dieg. Aen gunghsw neix gonqlaeng ndaej nyinhguh Bwzsw Si “nungzyez canjyiezva lungzdaeuz giyez”, “fuzbinz lungz-

daeuz giyez” nem “daihsam buek swcigih nungzyez liengzcungj beizyuz cunsgim caeuq nungzyez byauh-cunjva swngchcanj gisuz sifan gihdi”.

3 bi daeuj, aen gunghsw neix aeu cungj doxgap mozi “gihdi + nungzhoh + giyez” neix, baenz gveihmoz dwk saedhengz hanghmoeg, hanghmoeg guh daengz bonj yienh nem Yougyangh Gih, Denzlinz, Dunghlanz, Bahmaj, Fungsanh daengj dieg, daiqdoengh 43000 lai nungzhoh baenzfouq.

(Loz Hihhaij)